

R289.5

20

煤毒驗方
欬嗽驗方
凍瘡驗方
氣喘驗方

傷風驗方
喉痛驗方
泄瀉驗方
遺精驗方

附

家庭簡效方
昔時賢文
崇善會簡章

冬令實用驗方

上海中國良心崇善會編

地址十六鋪大達里口

上海中醫書局代贈

地址山東路十三號



南京中医药大学图书馆版权所有

▲醫界名人之評語▼

中西匯通醫社張錫純氏曰：

實用中醫學一書會萃國醫數千年之精華。融會一已十餘年之心得。乃有關醫學盛衰之名著。非偶然也。

全國醫藥總會蔣文芳氏曰：

按部就班。分門別類。依課本之編製。作忠實之指導。不特貢獻於醫界人士。且使民衆得以咸明醫學之常識。

蘭溪中醫專校張山雷氏曰：

不侈高深。不談空理。在在以實能應用為歸宿。與詭異奇僻之不近人情者。不可同日而語。傑作也。

醫藥新聞報社吳克潛氏曰：

網羅豐富。悉以經驗有用為歸。蓋深有慨夫空談之徒。徒足以欺世而無裨於實際者作也。所以續鑒緒而啓來茲者。其在斯乎。

最新實用中醫學名著

(秦伯未先生著述)

得其至精，可以為醫行道。
得其大概，可以充滿常識。

全書十二編要目如下：

- 一 生理學
- 二 病理學
- 三 診斷學
- 四 藥物學
- 五 治療學
- 六 處方學
- 七 內科學
- 八 婦科學
- 九 幼科學
- 十 外科學
- 十一 五官科
- 十二 花柳科

全書七百餘面用大號鉛字精印分甲乙兩種茲為普及起見定價特別從廉

甲種平裝四厚冊 定價二元八角七折

乙種洋裝一厚冊 加實洋四角

中醫書局謹啓

發行處上海山東路五馬路南十三號

冬令——煤毒驗方

(謝利恆)

冬日擁爐取煖。中煤毒者甚多。衛生局關心民瘼。曾宣布人工呼吸法。以資治療。余今以歷試驗方。公諸社會。俾補不及。

(一) 烏梅湯酸菜湯青菜湯。以開水沖淡。使有五分熱。微鹹。勿用油。頻頻灌之。再以紙撚觸其鼻孔。使之作嚏。即活。

(二) 搗白蘿蔔一支。或生白菜一支。使碎。瀝清取汁。沖以開水。使之半溫。頻頻灌之。亦可復活。

總之治法不外乎開肺清腦。如身體尚有別種關係者。可以就醫診治。

●驗方類編

秦伯未

鉛印

平裝

一冊

二角

七折

本書就個人經驗之成劑及單方彙編而成。分內婦幼外急救五大類。家庭得之。輕病可以自療。醫家得之。肘後更多妙藥。

冬令實用驗方

冬令實用驗方

二

冬令一欬嗽驗方

(秦又安)

嚴寒天氣。最易感受冷風。風冷入肺。津液凝結成痰。阻於絡道。往往欬嗽咯痰不爽。方用生梨一只。挖去心。使中空如盂。納炙麻黃一錢。冰糖少許。置碗中。隔水煮熟。去渣食梨。有潤肺之功。而不斂寒痰。有疎邪之力。而不傷氣陰。妙品也。

●怪疾奇方

費伯雄 鉛印 平裝 一冊 三角

七折

事非恆有之謂怪。人莫能測之謂奇。疾病者乃生理機能起障礙而所呈之現象。烏有所謂怪。方劑者乃根據病灶而所立退却之法則。亦烏有所謂奇。然而病固有非常理所能喻者。方亦有非成例所能喻者。自多足述。本書所載。病無不怪。方無不奇。殊足供一般之參攷。洵不可多得者也。書凡一卷。一百四十七病。一百五十二方。

冬令——凍瘡驗方

(秦伯未)

凍瘡一名凍瘡。俗稱死血。曰瘡者以其因風寒也。曰瘡者以其如癰瘍也。曰死血者。以其血凝滯也。蓋一原其因。一狀其症。一言其成。而三者中當以凍瘡之名爲最古。趙充國曰。令虜竄於風寒之地。離霜露疾疫瘡墮之患。則漢時已有呼之者矣。

患此者肌肉硬腫。遇寒則痛。遇熱則痒。耳邊面龐及手足指等處最易得之。倘腫硬不消。則繼以潰爛。須至天煖血和。方能自然收口。治之者西醫塗碘酒。中醫貼陽和解凝膏。民間治療則有生薑汁熬塗。糟湯煎熱洗。燒酒溫煖擦等法。然皆或愈或不愈。于是本屬普通輕淺之患。羣視爲纏綿厭惡之恙焉。

伯未治此。不用藥物。祇用眼前果品。輒應手而愈。茲特公佈於下。方用文且

冬令實用驗方

四

皮一只、福橘皮一只、白蘿蔔一枝。分四日煎湯洗滌。每日洗四五次。二日卽見腫處平陷。四日痛楚全失。功效獨著。實凍瘡之敵也。

●膏方大全

秦伯未

鉛印

平裝

一冊

三角

七折

本書係秦氏十年來對於擬製膏方之結晶。上篇爲通論。分意義、效力、性質、組織、用量、時期、煎熬、服食、禁忌、經驗等十項。下篇爲選方。有欬嗽吐血、遺精、癥聚、經帶、求嗣等十六項。

冬令——氣喘驗方

(朱星洲)

病有春夏瘥而至秋冬氣喘不寧。甚則不能平臥。不耐勞苦者。此皆脾肺虛寒。陽氣不足。濁陰不化。名曰痰飲。故每欬嗽咽喉不清。且帶痰聲。治標之法。以酸梅草莖葉爲末。醋調。筆蘸塗舌上。擦時痰隨涎出。不傷胃氣。最穩最妙。惟一方面仍宜延醫調理。以治其本。治本之方。不外溫化順氣耳。

●胎產證治

王肯堂 鉛印 平裝 一冊 二角

七折

分月經、胎前、臨產、產後四大類。言不過二萬。而綱舉目張。簡明扼要。婦人病症。瞭指指掌。夫王氏撰六科準繩。久著醫林。此書與醫學筆塵同爲集外之青囊瓊寶也。

●胎產秘書

錢氏 鉛印 平裝 一冊 三角

七折

本書爲越中錢氏祕本。分胎前、臨產、產後三門。察肥瘦強弱之體。定安胎保產之方。條分縷析。開卷瞭然。信能綜諸家之所長。而折衷於至當者也。

冬令——傷風驗方

(秦伯未)

冬令傷風。寒熱頭痛。余有妙法。簡便靈效。

法用紫蘇五錢。防風五錢。荊芥三錢。薄荷三錢。置銅鍋中。滿水煎沸。乘熱移置櫬上。以布蒙頭。就鍋上熏。熏時口須開張。未幾。即覺口中有冷氣。背上有熱氣。遍體汗出而愈矣。

此方亦治牙痛等症。乃家傳簡效方。勝於服藥多多也。

●汪氏湯頭歌訣新註 李崧春 石印 本裝 一冊 二角五分 七折

汪氏湯頭歌訣一書。已爲學醫者必經之歷程。然僅收集成方。聯以韻語。譬之大匠之規矩而已。今由李君本學養所得。麗以精當之評語。詳盡之詮註。使學習者明其利弊。知所遵循。不啻與人以巧。蓋自此書出。而汪氏原本可以廢矣。

冬令一喉痛驗方

(錢季寅)

冬令圍爐取暖。或日餐火鍋。難免火氣傷肺。耗損津液。而生咽喉疼痛紅腫等症。祇須嚼青橄欖數枚及青蘿蔔數片。即愈。或以二物同煎。頻飲。亦佳。惟須忌一切辛熱之物。以防助邪增患。

●幼科易知錄

吳溶堂 鉛印

平裝

一冊

五角

七折

本書爲陽湖吳甯濶溶堂氏所著。其目的在使家庭中得有保嬰之常識。爲醫者得有幼科之經驗。凡分二卷。上卷爲鞠養類。計有拭口、洗兒、斷臍、灸臍、挑口、乳兒眠兒、提抱、調護等法。下卷爲胎疾類。計有不啼、不乳、不便、撮口、臍風、內釣、驚搖、胎疳、胎怯、胎肥、鵝口、重脛、弄舌、膜口、疳腮、手拳、胎毒、胎癰等法。末更附補遺一卷。專載六淫、痰食、瘡瘍等雜症。引徵宏富。敘述詳明。處處看重於實驗。故處處皆切於實用。爲幼科書中不易得之名作。附要目於下。鞠養類凡一十五法。胎疾類凡六。七法。雜症類凡一十六法。瘡瘍類凡三十七法。共計一百三十五法。

冬令——泄瀉驗方

(姚易雄)

尋常之品。往往建立奇功。而非成方所能比擬。故俗有單方一味。氣煞名醫之諺。會良心崇善。會有冬令驗方之印贈。爰舉所知以告。

冬令以泄瀉爲最多。泄瀉又以感寒爲最多。余遇此等症。輒以生薑一塊。紫蘇三錢。紅糖一匙。水二碗。囑同煎一碗服下。溫覆臥。取汗。無不應手而效。蓋生薑能溫中散寒。紫蘇能解表散寒。得紅糖和血之力。自然內外雙解矣。海內同仁。幸毋忽之。

●藥性提要

秦伯未 鉛印 平裝 一冊 二角 七折

專錄藥物之性味。主治用量。使施用時。得有精確之標準。凡分補益收斂。發散利尿。涌吐瀉下。理氣理血。溫熱寒涼。化痰驅蟲。等十二門。錄藥四百餘種。與百病通論。診斷大綱。驗方類編。飲食指南。丸散易知。同屬實用之書。家庭之寶庫也。

冬令——遺精驗方

(沈健庵)

遺精一症。溫熱之地爲衆。以易引相火之妄動也。冬日重裘厚被亦然。此時萬不可誤認爲腎虛。投以滋腎瀦精之藥。祇購二妙丸三錢。泡茶代飲。其火卽平。

又有冬令。食羊羔。以爲補養。陰虛火旺之人。亦往往患遺精之病。蓋羊肉羶氣特甚。能動相火。將上方與之。亦效。若誤與補瀦。則非病而成眞病矣。

●普濟良方

德軒氏 鉛印 平裝 一冊 二角

七折

德軒氏所選普濟良方一書。不特爲醫林名著。抑且爲世人重視。所刊之方。方方切用。所載之法。法法可施。若人得一卷。偶遇急難之病。自醫醫人。獲益無量。茲由本局印行。以廣流傳。附要目於下。急救方凡八十三方。瘡毒方凡五十五方。婦女方凡四十三方。小兒方凡三十二方。雜症方凡六十九方。共計二百八十二方。

家庭簡效方

（方公溥）

家庭驗方。以價值低賤。藥味簡單。服食便利。功效卓著爲原則。本篇所輯。有俯拾卽是。藥到病除之妙。實家庭之肘後方也。

婦人乳疼 婦人乳房有時紅腫結疼。失治卽成乳癰。破爛流膿。遷延難愈。其害甚烈。若初起時速購酒母（所以釀酒者。或稱酒藥）數枚。打碎和黃酒炒極熱。敷于疼處。一日二三易。立卽消散。永無後患。歷試奇效。女界寶之。陰囊奇癢 茄子一枚。連根葉煎湯薰洗甚效。

跌打損傷 用活田蟹數隻。（如無田蟹。普通螃蟹亦可。）搗爛置茶碗中。熱酒沖之。取汁飲服。行瘀止疼如神。

面生錢癬 剪紅帖紙一片。蘸醋貼之。數次卽消。

飛絲入目 取頭垢浸清水中。約一時久。以水點目。神效無比。

飛絲入口 吸香煙滿口。閉口勿令洩氣。少頃泡自破。紫血出即消。

偶然呃逆 紙撚通鼻取嚏即止。

食西瓜諸瓜過傷 瓜皮煎湯解之。諸瓜皆同。

食麵不消 生姜汁沖好酒熱服自化。

食豆不消 生蘿蔔汁飲之即消。

食菱角腹脹 取生姜汁飲之立消。

滿口牙齒出血 蘿蔔含口內嚼之。熱則再換。另嚼極效。

食牛肉腹脹 乾稻草一把煎濃湯熱飲自消。

誤吞銅錢 多食葶薺自然消化。其效無比。

誤吞玻璃 用赤小豆煎粥。盡量食之。玻璃即隨赤小豆而出。真奇方也。

塵芒入目 生藕汁滴入自出。

耳中腫疼 生虎耳草（一名金絲荷葉）加鹽少許。搗汁滴入耳中。片刻然後傾出熱水。又滴之。數次即瘥。

蜈蚣咬傷 頭垢擦下。塗于患處。其痛立止。

睡中磨齒 臨睡時含糖一小塊。此患可免。

鵝蛋積滯 飲醋即消。

鴨蛋積滯 飲糯米泔水一盞立消。

誤吞碗鋒 多食熟韭菜即愈。

食鴨積滯 淘糯米水煮熱。飲一盞即消。

諸骨梗喉 大蒜塞鼻不令透氣。其骨自下。

牙關緊閉 鹽梅擦牙上。涎出即開。此法最妙。

服藥免嘔 用生姜一片。置舌上。須臾自免。

解紙煙醉 鹹橄欖泡沸水取湯飲之即醒。

跌破頭皮 白糖掩之。隨掩隨紅。以止爲度。愈後無癍痕。非常奇驗。別處皮膚出血亦然。

坐板瘡 晨起赤身。坐有露水之石頭上。連坐數晨即愈。

縮小便 婦女因出遊而欲減縮小便者。可預服生白菓五七粒。小兒夜間遺溺。服之亦效。

食飯凝滯腹痛 飯搓成團。加鹽少許。燒枯煎水飲。即消。

解洋煙醉 飲鹽水即解。或飲醬油。或飲糖水。均效。

噎膈 取帶涎牛反草一握。水煎服。其效如神。

婦人乳孔塞痛 用核桃肉數顆搗碎。滾酒沖服即愈。

黃蜂傷 酸醋搽之即效。

湯火傷 急浸入尿桶內。或敷火油猪油。皆極神效。

漆瘡 杉木刨片煎水洗之立效。

脚痹 取稻草或青草一寸。塗口津。貼鼻上山根部位。片刻即效。

鼻孔出血 取草紙數重。冷水浸濕。貼額上。仰面片時即止。

解煤氣毒 取鹽菜滷一杯。飲之甚效。

食瓜菓腹脹作痛 飲鹽湯即愈。

乳頭破裂 胭脂和蛤粉用水調敷。

婦人乳汁不通 用猪蹄煎湯飲之。連飲數日。乳如湧泉。

唇上生瘡 白梅花瓣貼之神效。開裂出血者即止。

閃跌毆打腰痛 白葡萄乾用好酒煎服。至重者兩服全愈。

腹中緊脹 白糖糞酒飲數次即愈。

●良心崇善會簡章

宗旨 本會本良心爲善。尊重德育。舉辦公益事業。實行惜物利人。以養成人人高尚之道德。

定名 良心崇善會。

性質 本會是紳商學界。聯合爲善之所。

組織 由紳商學界熱心人士。有志勸人爲善者。同心協力組織之。

會員 本會會員。不加限制。凡能遵守本會規則。熱忱崇善者。無論何人。皆得入會爲會員。

規則 凡爲本會會員。當謹守下列各項規則。更須勸導他人。以期善與人同。

(一) 愛護兒童。注重教育。毋使失學。希望將來得有自立之精神。

(二) 愛惜生命。勿嗜殺戮。保養天和。愛惜物力。當守儉樸。

(三) 愛惜光陰。勿懶惰遊蕩。宜勤學勞苦服役社會。

(四) 敬惜字紙。尊重先賢之真跡以保根本。勿生惡念。力行善事。

(五) 愛惜身體。戒嫖賭戒烈酒鴉片。以清潔衛生爲主旨。

(六) 愛惜銀錢。勿慳吝。勿浪費。見善勇爲。

會務 第一項 設備有益書籍報紙。任人隨意觀覽。

第二項 敦請名人演講。以期感化。發行崇善月報。徵求同志。提倡道德。聘請名醫施診送藥。天寒施棉衣米票。